

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第一五三冊

責任編輯：孫言誠 賀 偉

ISBN 7-5333-0615-5



EB28/03

四庫全書存目叢書·集部一五三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46.875 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一五三冊目次

集部・別集類

大泌山房集一百三十四卷目錄二卷(四)

〔明〕李維禎撰

北京師範大學圖書館藏明萬曆三十九年刻本(卷八十卷八十一卷九十一至卷九十三配鈔本)

.....
一

大泌山房集一百三十四卷

目錄二卷(四)

〔明〕李維楨撰

北京師範大學圖書館藏明萬曆三十

九年刻本(卷八十卷八十一卷九

十一至卷九十三配鈔本)

附《四庫全書總目·大泌山房

集一百三十四卷》提要

大泌山房集卷之九十九

京山李維楨本寧著

范母黃夫人墓志銘

海內談方聞之士清正之臣皆知有范滂陽先生而不知其刑于黃夫人咸有一德也余無似起家分部川西實與公代已同爲浙憲使又與公子游稔知闢政夫人卒先生書其略仲子述其詳太常邵公爲之狀而寓書其門人程廷鎮臯羽父子屬余志先生以德則我師也友之云乎義不得辭夫人爲休寧萬安市望族唐宋代有間人明隱士永堅以純孝績學數薦不起三傳爲古

唐公儀陰行善事具邑乘中配何碩人稱賢婦是生夫人古唐公善爲星知女當大貴已見其開敏不凡益奇之非貴人如吾女者無字閱十餘年而得先生此遠大器復按之三命合遂受聘先生父贈公已卒夫人歸年財十六少先生一歲先生母某夫人女畜之夫人從姑晝爨夜織不言勞又善徵其意而應之事大小皆得歡心貞一先生者先生伯兄也以什一遊江湖供母養而先生從師學歷數月一歸則母子三人共一燈先生誦書夫人刺繡姑寢而夫人猶竟其業以需來日甘旨之費焉姑命析箸先生自外來知之有不豫色母泫然流

大泌山房集

卷之九十九

志銘

涕時勢宜爾非若兄弟好生分也夫人時已舉伯子負之操作淚常覆面姑數慰藉之吾兒豈久居人下者若受享固未艾先生爲諸生喪母哀毀甚夫人日夕向靈帷哭姑何往輒慟絕而家政米鹽井臼無所不營綜首如飛蓬矣亟售一旁舍具棺斂諸物祭則滌器潔牲醴粢盛庶幾椒苾之氣祖妣居歆而向後語于婦先姑家法宜世守也先生授徒所得月奉以裨益伯兄若鄰里鄉黨貧者夫人不問旣舉于鄉里人丐居間者相屬先生掩耳不欲聞酬酢多於諸生時家具益趨貧夫人攻苦食淡如初而兩子長所爲行費若交際燕享竭蹶以

大泌山房集

卷之九十九

志銘

二

供有貴客至執豕于牢小不掩豆客笑謝而去先生謀得地葬親而術師以倒杖法見者膳日必雙雞夫人取簪珥市之不厭所卜地在十里外葬有期夫人夙興炊黍髣髴若姑褰帷呼之曰地在目前何俟遠求以告先生先生疑未決啓土則皆沙礫悵悵而返親知交言祖塋左地故佳別請師相之吉因以塋而先生始信母褻帷大有靈遠邇傳誦夫人之精誠與其姑神明相感應也甲戌先生北上夫人有異夢先生果第夫人詣家廟拜而思尊章不逮見繼之以泣歲杪先生除南城令居京師踰年稱貸二百金夫人謂先生向者貧不負責今

且負責奈何從之南城年餘衣食猶濡生固問先生令歲入幾何曰百金有奇過此則皆非義夫人慨然何以償逋吾其歸爲之計矣歸而督僮力田與女奴治絲枲數月不知肉味歲復饑饉兒女日二鬻餽粥和以糲粉其刻厲如此先生三年考最封夫人爲孺人以其冠帔來夫人泣語使者願爲清白吏長如今日吾終身裘褐足矣又三年先生擢南刑曹郎刑曹故稱冷署夫人謂先生君廉吏妻子號寒啼饑而得此冷署彼爲臺省銓曹者豈其家人不食烟火耶先生笑卿言大好爲廉吏自儒者分內事非邀後利也先生課諸子及猶子夫人

大泌山房集

卷之九十九

志銘

三

疑其文或襲舊身坐中庭期以日過午脫草納之笥先生歸評鑒而夫人勞酒食以爲常先生以郎考最夫人晉封宜人而夫人趣歸積田中所入後先十年以取子錢家券稍自寬矣先生守南昌夫人從未幾歸諸兒女年及婚嫁食指日繁所爲行六禮拓旁畝構居室會計出入黠者莫能欺先生擢江西副使理驛傳而劾奏御史于郵禁者御史謫先生亦徙官夫人語先生吾向以君亢直將逢患今若此主恩厚矣三年卽家起兵備浙之杭嚴疏辭部議促之任先生將復疏夫人曰士爲知己死朝衆幸知君何必峻拒爲名高吾將偕往先生乃

行每退食則言敲朴聲何多也先生曰三尺法不可賈
夫人感額曰君不記書罪疑惟輕歐陽公母亦有求生
不得而後死無恨之訓耶先生爲是決獄多未減而夫
人復歸先生擢蜀叅知政事因奉表上書以病免不聽
夫人請從行先生怪之近則遠歸遠則欲往何也曰等
蜀耳王陽爲孝子王尊爲忠臣吾亦思爲忠臣婦所至
山川庶物吏治土風質問先生甚核而詔仲子大家逐
子東征作賦若母幸從若父上蜀道青天得覽三川之
勝可代我賦之仲子所爲賦蜀都也己從先生入折居
海道郎中問昔者新安胡公禦倭功嘖嘖人口其法如

太史公房集

卷之九十九

志第 四

何先生具言方略夫人喟然而歎恨吾不得如田單韓
世忠婦君勉之矣已擢浙右伯以覃恩晉封夫人邑之
生而封夫人者自此始緬懷姑婦共燈時涕泗滂沱一
服命服拜賜歲不再御也大布爲衣裙幃幕數四浣補
不棄已從先生任閩左伯將入覲計吏殿最夫人旁窺
曰爲上官者不知卑官苦位卑祿薄而責以一芥不取
妻子將安所賴耶律設大法禮緣人情小過故可宥也
先生深以爲然屈行語夫人吾來歲其明農哉夫人正
色而對他人仕宦爲妻子計不欲舍君猶故吾耳三十
餘年差不負國謝可也先生屢疏請老廷議累推轂開

府列卿不報又不令去三年堅臥得遂初服夫人日酌
家釀烹園葵伏雌而令諸孫繞膝分甘爲樂度先生有
酒所方已先生勤於官戴星出入夫人必篝燈以待署
有隙地手芟柞命童子樹果旅歸則載所將旨蓄御冬
者以隨曰異日爲廉吏婦口實家居晨起周視所居掃
除絕纖垢而瑣科條臧獲執事日中不食午則厝薪儲
火戒嚴關鑰雞鳴則又刺刺趨奴起坐以待旦先生念
其勞宜小休夫人不可我不服勞君何以逸且習貫如
自然忌之矣子婦稍懈若鮮服美食輒加譙讓卽近屬
婦女恒勸勵之而述諺寧可人遺物不可物遺人快樂

太史公房集

卷之九十九

志第 五

不成人成人不快樂四語先姑所授不敢忘也母兄弟
若而人問勞不絕然無私遺曰婦事夫若臣事君夫子
不背君以肥妻子吾豈可背夫子以肥兄弟幸各自樹
求無點吾親耳矣同居有女將聘非偶族人惡之夫人
召與來養之教之與已女等適名門子教諸從子勿逐
冶遊勿務小技在家少在館多則學問自進數舉先生
爲法見諸婦亦數云多用多費使夫內顧不得專心于
學誰之過歟里婦有從一者後生有善養親者姻黨有
處士能行義有居官著政聲者道之不容口有越祖訓
違宗法者有棄本業墮先緒者有舞文法稍門第而擠

人于危假聲名而攘人之有者必督教之或拒不得入門改而後許里或有爭願質范夫人一言立解先生從正學斥二氏而夫人好佛召老尼諷楞嚴法華諸經秘不令先生聞意若有會晚年好行其德治道之歎久墊隘者贊先生爲義冢可葬數千人村有大溪水橋不可久先生沉吟易以石夫人毅然任之先生色駭是非巨萬不可何言之易夫人微哂而指數君某年付奉若干吾息之將得三千金吾子孫賢可無藉此不賢會不足當一櫛合爲衆生津梁先生起謝吾向謂卿孜孜如日不及失之怪乃以儉成豐以豐成義真無忝夫人矣先

人說山房集

卷之九十九

志銘

六

生因以聞邑令與都人士約各有捐助而橋成夫人謂三子汝母所貽若不在金多冥冥之中當鑒我而昨及若曹耳年踰七十體力類壯婦其治生彌勤所召傭治田園者厚與精傭爭來受役復以一歲所節倉粟鳩工開村外沿溪路名之曰千秋名小石梁曰迎旆云素無疾喪其少子而哀登階傷足食小減右腋如有物相擊遂伏枕先生避暑山中聞耗歸問之無所言惟曰我朝廷家人呼朝廷不置語其兄弟真人救得假人假人那得替真人先生異其言吾儒理詮也又曰菩薩虛中位待我迎者至下須良辰至期遂瞑無一語及家事萬

曆甲寅五月十有五也距生嘉靖己亥六月一日年七十有六先是

慈聖太后哀詔下先生與夫人哭臨成禮祠既鑰厥明啓視案有楮灰尺餘寢疾羣鵲噪于庭有方黃楮徑五寸自簷端下墜所謂菩薩相召者非丘言矣先生無二色夫人數諷之曰者言我年不及君不夫行役以婦人適四方君子禮應有副室先生啻其意終不忍負所產三男六女悉自乳男長曰科以郡廩生入太學娶前阜朱公亭女繼朱里陳公其女次曰謝邑庠生娶名賢里孝廉陳公笱女繼石門庄方公芳女再繼臨溪封戶部

人說山房集

卷之九十九

志銘

七

王事程公益與孫淮女三曰穗以邑庠生入太學先四年卒娶城南三淮里漢陽太守王公宗本女繼武進孝廉吳公搗謙女以哭夫卒名貞婦女長適榆村程公玘子太學生鳳翔次適草市孫公文謨子邑庠生明遠三適竹林邑庠生汪公夢鯉子太學生高科四適祁門工部侍郎吳公自新子元庠生汝琦早卒五適石田戶部主事江公可進子以邑庠生入太學嗣志六適南街沈馬張公應元子時成孫男十人文鰲邑庠生娶南街光祿金公源女繼縣縉雲主簿汪公永寧女文叢娶城南南曰川憲副葉公時新子太學生茂梓女文顯聘商山

太學生吳公儉德女科出文燿聘洪坊內史汪公繼元
女文姚聘榆村光祿程公光啓女文燦未聘榘出文燦
娶居安內史黃公正賓女文燿聘厚村太學生孫公時
化女文殊聘溪南太學生吳公士音女文姚聘竹林汪
公某女總出孫女九人科出者五長適城西太學生汪
公允復子繼噩次字溪南太學生吳公某子某餘未字
榘出者二長適草市太學生孫公文德子太學生明悅
次適商山太學生吳公懷信子太學生道成榘出者二
長適城北孝廉吳公中良子文旻早卒次字黃茅徵江
太守程公子侃子太學生廷賓子某曾孫男六人宗壩

大泌山房集

卷之九十九

志第九

聘大阜營程公錫女宗某聘以口太學生程公文華女
宗壕聘梅林汪公汝顯女宗尼聘福建叅政金公忠士
子宿松庠生星燿女宗城宗旺俱未聘曾孫女三人俱
未字榘言夫人有福德相十二種貴二品壽望八中外
男女四世可九十人先生一代名臣子孫踵武備道全
美世不多觀豈直冠絕郡邑已哉葬以卒之年九月二
十有七日墓在某銘曰召南大夫羔裘素絲節儉正直
退食委蛇抑有夫人內助是資采蘋采藻闢下所尸草
蟲殷雷禮防義規周曆過卜于焉肇基維范先生百世
之師格于上玄女士以釐婦聽而婉母嚴而慈貴而猶

勤約而能施正內正外家人咸宜帝三錫命用作闡儀
多壽多男條達福祿病不及亂訣靡涉私釋名儒行天
俾人時我銘墓石做波周詩成圖成史千禩名垂

趙母李夫人墓志銘

余領河西節治上郡郡有三母趙方伯太母李廷評蕭
元戎母皆大耄健在而趙太母受其孫太夫人封上郡
傳爲盛事時方伯父封公與李夫人年皆踰七十修子
婦禮甚謹余竊高仰之比余移晉藩方伯中讒歸太夫
人以天年終封公夫人襄大事無纖微憾越五年論邊
功復方伯官除部潁州又余所舊領節也士民誦其政

大泌山房集

卷之九十九

志第九

聲相屬余爲之喜而不寐無幾何方伯病病痊而李夫
人卒壽春邸中矣方伯既輦極還且治葬手狀母行實
不遠千里而使使乞余志墓余稔夫人出膚施望族祖
森以先輩仕某州守守生四子名天民者實生夫人少
慧悟而靜莊稍長精女紅十五于歸封公父武鄉公方
食貧夫人操作良苦恒以鷄鳴起具舅姑食飽醢酒醢
穀載羹醢果蔬之饋無一不自其十指出退而治織紵
組紃理諸米鹽凌雜事勤夕以繼日縮入以待出男女
老稚合作無逸龜勉拮据二十餘年而數解奩資爲封
公購書封公高等生食廩矣數可不第夫人請曰士立

身行已承家濟美豈以邀厚利博浮名哉蓋武鄉公爲尹刻廉強執上官不能容逾年罷歸橐財七十金未幾輒盡謀市宅自贍夫人語封公先世之遺廢於一旦安用人子爲吾兩人服田力穡亦必有秋三釜固不乏也而室得不市矣于時方伯已七齡穎秀絕倫亟遣從師學歸則置棧枵問督之誦不絕聲方伯童子試卽舉首未冠舉于鄉已勝冠成進士爲行人奉使歸省夫人夫人詔之曰若太父若父白首所不得致而若少年取如拾芥則前人以有餘不盡者貽若也仕而爲清白吏若太父幸甚吾終不若他人母以口體之奉望子方伯謹

人必山房集

卷之九十九

志銘

十

受教已擢民部郎迎夫人就養而有河西權關之役地在輦轂下亡賴子借勢朝貴虐賈豎萬端夫人教以先自潔而後繩人除其爲奸利者百輩商旅輒出於途所入倍舊考最封夫人爲安人李賊叛西夏嬰城固守誘虜爲援關右大震方伯督餉念不欲去夫人夫人曰君命也其可辭乎吾留京師固無患方伯已事報命母子喜若更生焉方伯守太原太原都會事如蠅毛奮復苦晉宗人撓法夫人居恒言吾聞爲上人者如保赤子若視民若我視若何難治之有吾與若約三章勿急歛勿淫刑勿貳心盡之矣方伯以此名賢郡守奏最封夫人

爲恭人已擢副使備兵鴈門卽太原封內也自方伯遷後二十年守無以善去者已冢宰司馬知方伯才任劇移備兵岢嵐岢嵐與虜纔隔一垣我兵恆貢市寢懈酋黃台吉慄悍強索金繪監司將領郡丞曲徇之坐不任職斥者數人夫人日與方伯籌曰是得無騎虜乎是得無兆孽乎衷而用之操縱適宜而益練兵選將儲粟飭器械壘一新所築城堡樓櫓亘延數百里閱者謂與朝鮮守虜裨之凡十年秋毫無犯而省費十五萬金有奇昔所未有也嘗大饑捐瘠滿望故無賑例夫人感然執非吾民而坐視其死乎趣方伯亟發粟以其月奉

人必山房集

卷之九十九

志銘

十一

裨之活數千人尋以按察使考最封夫人爲淑人已皇太孫生上

太皇太后徽號覃恩羣臣夫人因有今封日徽戒方伯綦縞婦荷國恩厚重兒何以圖報皇皇如始至日無怠宦成而歲時市賞修邊有羨方伯悉以付公帑債帥不得侵牟者缺望爲蜚語中之方伯意不無介介夫人顧怡然兵危事也邊危地也若微天幸釋負擔何慰之有會事久白封公耳提方伯

天子不忌兒標末功兒何得自廢使夫人偕方伯入京有潁州除歲災請賑請易漕粟以金所活人如岢嵐皆

出夫人指方伯病思歸夫人迎封公來晝夜瞻護病良已封公乃還而夫人忽病卒其年爲萬曆壬子十有一月十有四日距生嘉靖丙申十有一月二十有五日生七十有七夫人從子宦三十年所至慎門杜家人不踰尺寸雖老執勞不倦綜覈精嚴尺布斗粟無溢費翟冠象服非祭祀婚姻大慶不御折節爲纖儉如故時而親黨緩急佐方伯父子助卹不吝爲封公置側室楊舉二女愛之若已子子女女有過不訶問第示不豫色然令自訟改雖臧獲未嘗加疾聲卒之日内外宗若婚姻鄰里哭盡哀殆詩所謂樂只君子者歟子孫榮寵視其皇姑暨李蕭二母過之非偶然矣子二人長卽方伯名彥娶茂才袁國政女次光祿署丞名章娶茂才楊惟和女繼貢士王體元茂才郭重光女女五人一適延安衛指揮僉事紀光祖一適茂才楊四知一適副總兵俞某子應襲鯨一適知州岳具仰子徵翊一字錦承指揮同知楊汝業子正荃孫男四人彥出者昌胤聘都督同知姜顯祚女章出者廣胤爲諸生娶游擊將軍孫秉乾女大胤娶知縣王邦弼女廓胤聘舉人白希綵女孫女五人彥出者一適寺正李賦秀子茂才如棠一適舉人白希綵子可圖一字兵部主事郝名宦子某一字孝廉姚衍

中子某章出者幼未字以某年某月某日葬神仙溝之新阡銘曰夫貧而孝婦則順子貴而廉母則訓莊而逮下和不競儉而平施與物稱升聞于帝四錫命多賢子孫積善慶黃髮兒齒彌爾性天人交際何全盛藏以仙丘名相應考石銘之辭非佞傳世丕顯光家乘

王母李淑人墓志銘

太康王氏爲中原右姓其上世不具論明興以彰德路判贈戶部右侍郎公彥才生戶部尚書公純生醫學訓科公濡生盤屋尹公卽生縉雲簿公杰父子皆以今中丞公璇貴贈如其官縉雲公元配蔡淑人生一子爲明經公垞虞其終鮮而得龔淑人生中承年且耆矣聘李淑人爲婦其父處士鎮其母盧亦老生女有家法縉雲公年七十謝歸淑人年十三中丞年十五遂成婚子女皆少父母皆高年憐愛殊甚置所居室右淑人朝暮省候啓處退而治飲食嘗旨否然後進之事中丞公婉而莊中丞丘嫂郭孺人若從兄弟諸娣諸姑伯姊女曹兒同居以十數年長以倍者疎體敬而禮之卽析箸事必咨長婦撫諸子女有恩下至侍婢不少示狎色而正以帥之室老聘伺揚語女郎能事乃爾十五舉子舅姑大喜語人曩時得邵康節數云孰知秋暮餘奇果白首惟

呼樂勝前吾晚舉子乃舉孫誠哉是言矣縉雲公故伉
健中丞兄弟不預凶事忽不起淑人出笥所有治承若
于稱絞衿質殺一夕辦具會歲惡民流賊師尚詔蹂躪
四境無炊火中丞意令淑人質子錢其父母淑人以正
對兩老人纖齋起家晚滋甚兄公與君所知丐貸徒自
見短耳不腆簪珥可以養姑且佐君讀貧者士之常君
第忍之中丞愧服其言有女弟爲龐家婦避寇寄百金
中丞所中丞語淑人爲守臧膝可取數金謝我淑人一
解顏而笑君安得爲此言中丞亦笑吾以嘗若姑相戲
耳中丞勸學焦思紆體病幾殆淑人免身纔兩日視藥
物察顏色朝夕不懈者累月而身亦病劇矣龔淑人大
以爲戚天何厄我佳兒佳婦淑人強起寬譬姑自愛久
之俱差而龔淑人乃有慝志食指繁歲入不足淑人永
緼質飯蔬糲而以甘毳奉姑鞠育子女惟恐育鞠午夜
與中丞共燈檠以機杼和吾伊聲中丞每憶往事未嘗
不墮牛衣泣也中丞丁卯薦鄉書明年成進士知滋陽
縣縣瘠土供億薄淑人安之如素以高第徵拜給事中
一切交際燕會悉淑人經費日不暇給既出爲楚叅藩
治承天乃得優裕而以夙昔多產多勞病復大作有善
爲星者言祿命不利子宜置廢淑人喜此吾夙心前後

所置以十數率鉛華芳澤頤房燕而淑人病日痊中丞
所至燕晉上谷苛嵐將母板輿以淑人從而拜中丞撫
甘肅簡書孔棘留淑人子舍事母淑人懲縉雲公之喪
未夙戒也爲治後事甚備姑卒棺殮誠信無憾中丞匄
匍歸而沫血飲泣謝曰微若吾幾不成子已禪有撫陝
之命兵政荒政扶微興壞凌遽鞅掌御燈火至明體力
爲之小減屬有譴人交構其間淑人慰公吾聞爵祿子
孫天所以福胙人不可得兼吾兩人僅一孫君可歸休
損有餘補不足天道也公善其言數請予告還里出其
橐貽諸女與郭孺人女諸戚黨婚嫁歲時餽遺必腆切
喜蠶桑雖貴且老羣里嫗緣續然不以勤惰施支親外
屬矜寡窘窶求者必應中丞構先祠二歲時奉嘗淑人
儼遵豆旅肴核視割烹贊裸獻盡志盡物已治別第別
業並駕小車往來其間髮垂白而顏渥丹體以行和列
三世子女軒渠笑說於前諸福之物可致之祥無不畢
具望者以爲仙侶助淑人造者匡孺人性溫良而有綜
理才淑人倚之如左右手生子保佳兩歲匡卒淑人不
勝哀爲保抱携持其子延師授室而愛婦與孫二十四
年不替中丞八十賓客填門稱觴況淑人齊年旦暮事
耳無何病嫺妍太息語中丞十三歲事君今七十九以

君省垣封孺人以叅楚藩撫甘肅兩封恭人以敘邊功
封淑人非始願所及受君賜多矣恨不兩月見保住舉
於鄉吾孫謁選已受職否遂卒淑人六子自下場外長
子名錫第諸生才而天時時附訕語談事多中娶增廣
生劉朴女殉夫死奉詔旌其門明經公初艱於子議以
錫第爲後今以從孫汝聞爲錫第後緣淑人雅意也次
子錫卣諸生亦蚤卒娶廩膳生劉宗化女守節逾三十
年匡孺人子朝唐諸生小字保住數試高等余嘗評其
文知非凡士娶睢陽督學御史黃陞女淑人自有子若
孫不以加於非已子朝唐爲諸生始知有因母其婦與

卷之九十九

志銘又五

子聚順承歡淑人娛樂忘老之至里人謂是母是子世
不恒有也孫男三汝嘉任子娶武可及女錫卣出汝韓
汝蘇俱未聘朝唐出女四伯適諸生師遜子諸生準望
仲適成安教諭賈珥子諸生漢招叔適侯門教讀劉養
白卽宗化子季適省祭馮復一子諸生清世適賈女先
卒有勝生子淑人簡扶構郭某女爲繼已漢招卒淑人
視婦如女視外孫如孫賈婦從一立孤蓋有所託賴矣
孫女三一適荊州郡丞許言詩子諸生汝謙錫卣出二
未字朝唐出曾孫女二一字甲辰進士寧津尹張修德
子濂一未字汝嘉出淑人生嘉靖丁酉三月五日卒萬

曆乙卯七月九日以卒之年十月十有七日卜葬邑北
大吉岡南新阡以匡孺人耐孺人有令子功在宗祏又
淑人所鍾情也余附中丞榜末稱兄弟交五十年娣事
淑人憶與公同朝淑人數盛饌食我後部大梁過公家
淑人屏間窺余謂中丞李使君少年于思矣公與子孫
不以余少文屬爲志慕知死知生何可但已按中丞所
述行實修飾潤色之如右錄曰詩首二南王風伊始世
衰道微風斯頹靡天胙王公釐以女士桃之夭夭何彼
穠矣鼓鐘瑟琴友且樂只采蘋采芣干彼澗沚筐筥錡
釜有齋奉祀勤無失職儉無廢禮締綌浣濯父母寧止
大正山房集 卷之九十九 志銘 十六

克敬克孝率由師氏公勤王事則賦卷耳求賢審官周
行素履行露甘棠化流遠邇殷雷汝墳含章陰美維義
維正勸以勉以最甚盛德嗣音太姒身爲樛木迺樂葛
藟小星衾裯一彼一此無悔有歌寧若江汜和平樂育
言采芣苢說說僉斯振振麟趾子既抱孫孫復抱子鴻
鳩鵲巢行積功累綬以眉壽介以繁祉今也則無與古
人比可被管絃可勒圖史銘辭以南令聞不已

楊母劉恭人墓志銘

歲丙子余以分部隴右入關比士得士之治尚書者十
有四人而岐山楊儒系爲之冠問其家世則通政恭爲

曾王父秦府典簿輝爲王父霍山令楠爲父霍山公孝子廉吏紀于邑乘祀于學宮者也其母則劉太恭人云恭人王父蘭爲孝廉父潮渭爲費縣丞生而貞靜無治吝無妄語費縣公愛之不輕字而與典簿公相善霍山公喪其偶景恭人聞恭人賢遂委禽比歸而典簿公沒獨姑陳孺人在陳孺人者轉運使公倫之女也曾割臂以療姑疾行事有丈夫節榮恭人孝陳孺人亦如孺人霍山公有兄早世遺孤兒寡婦而孺人復有兩少女恭人以其僉助二小姑而事其孀奴抱哺其子女尺布斗粟有無通共孺人大悅新婦賢哉能得吾意中事霍山

大沁山房集

卷之九

志銘十七

公以高第生廩于庠舉鄉試第二人不作家計而恭人荆苴乞綈日以鷄鳴起問姑寢安否治酒漿脩脯三飯立俟徹而退則操井臼機杼先諸臧獲男女不易職晝夜不廢時霍山公得一意精其業門弟子受經成名者數十人益不問家而孺人益好行其德奴子繼程資之受室資之力學爲諸生亦廩于庠奴女歸王氏則奴已死曰猶吾女也數歸寧必有以周之姑適劉氏新寡而子惇弱割宅居之寢食無間後與宋王二嫂俱以節旌霍山公數奇厄於春官念母老乞祿得山西陽曲諭不一年擢霍山迎孺人時年八十餘矣坐板輿頤岑岑

行數合而遂命恭人往恭人辭孺人曰若爲兒慎門杜和其飲食啓居無使積愆吾可寬倚間矣娣侍老婦有他子婦在恭人杖淚行而霍山公感然改容本爲親仕今不復將母奈何恭人曰妾不敢傷姑心故來以君言歸侍述君官狀姑必喜加餐若母過憂妾力能代君爲子趣還舍霍山公爲其民均田賦禦水災禽巨盜積穀備艱難比及三年曰幸不負縣官可一意共子職矣力請致仕當路留之不得孺人九十而病恭人與霍山公手上饘粥身代几杖展轉反側病瘥漫溺先意承順周旋無失窮日竟夜不解衣不假寐者三月而孺人卒霍

大沁山房集

卷之九

志銘十八

山公哀毀未越月亦卒孺人慟不勝君不惜死殉母妾何難以死殉君子女小者未婚嫁君且視而不含強起治家孳孳如日不及拮据遺女衣服器用夏忘暑冬忘寒然終不得爲時世粧曰吾母黨夫黨門中自有法度費縣公闕達大度好讀書孺人侍側輒能誦久而不忘舉以教諸子爲陳說大義有不善必訶督之恒言若父以家人卦張于壁吾孰究之嚴君謂之父母如直柔耳衆人之母能食不能教吾終不以嘻嘻而易嗃嗃叔子死婦誓不踐二庭則慰藉之人孰無死死以節者不朽失節而生猶死矣婦志以此愈厲卒爲貞婦儒系舉進

士入讀中秘書孺人携其婦視之以大官之膳上方之
醢進而孺人慨涕謝曰若父不及見吾安忍獨享爲製
一綺衣笥之吾嫁時衣尚在敝可補姑可浣不欲忘故
也賓至與炊子同執場事僕必盛而麟俊之飯自如已
授御史巡長蘆山東鹽政恭人數誨之御史執法人死
生雖其子余聞諸先姑之誨若父也與其殺不辜寧失
不經若其服念哉儒系時有咨決裁之以理頃時而定
超然絕仰勢利之外拓霍山公之廬而斥其旁畝儒系
按漢歸輪奐一新指示之若兄弟三人子女十之吾不
以若之祿自封而以此貽若兄弟彰君之賜也而儒系

大泌山房集

卷之九十九

十九

適以考最贈霍山公如其官恭人爲太孺人已按順天
出爲山西副使部冀寧恭人偕入晉再考復贈霍山公
如其官太恭人有今封尋遷參知政事當調官不復出
而恭人喪子女若孫有不豫色儒系居道北仲子居道
南恭人往來兩家率子婦若諸孫爲歡端百方娛之雖
貴且老夙興夜寐攻苦茹淡六十餘年如一日耳提子
婦及家衆好逸惡勞吾豈性與人殊誠習見世祿之家
始未嘗不節約終以驕侈敗也作法於涼猶恐其奢吾
欲爲後法耳八十健嗽無患更二年仗始行又一年不
耐杖以人已病痢語二子吾無可憾惟不逮仲之仕也

以報若父疾棘内外子孫若婦來省命之曰汝曹自一
體分相好毋相尤也男子勤學問循禮法毋墮門風而
儒系病有年數目之若母過哀父母惟其疾之憂深思
此言吾所常御被一遺若又曰吾何德而子若婦侍疾
遂若吾之侍先姑推是心也以往楊氏與仁興讓其未
艾乎恬然而瞑萬曆壬子十有一月十有六日也距生
嘉靖己丑十有一月十有九日年八十有四先是家雞
以二更鳴堂前地陷二丈許儒系怪其不祥恭人當之
豈夫殲露易晡者無所短長乎伯子曰紹程卽儒系娶
大名郡丞武楊女贈孺人繼景惟儒文再繼鳳翔鎮撫
大泌山房集

卷之九十九

志銘二十

李高女封孺人三繼三原縣光祿卿馬理曾孫疎女封
恭人有子金和光祿署丞娶經歷張可上女金和子二
曰宗周聘梁漢女次翰周幼女二人一適寶鷄先輩高
冲漢子光斗一字扶風諸生王繩祖子秉銓仲子曰統
程諸生以明經薦娶李天恩女繼孟時敏女再繼張從
功女子二人長諸生翔鳳娶李諷女次騰鳳幼孫女五
人一適蘭州博士李諤子諸生上林一適扶風戶部員
外郎孫崇先子諸生世法一字諸生王來聘子維翰二
幼叔子續程娶趙環女繼王臣女俱蚤世王卽從一而
終者女一八適大名通判李與村子諸生俞芳恭人二

女夫則扶風保定通判王衡子諸生懋與同邑李朴也
儒系狀言通政公有功漕河居鄉以長者稱卒之日曾
王母張孺人年三十有三王父方二歲二人育之並育
諸姬子皆爲諸生而王父曳裾王門張孺人卒八十有
三王父以不勝喪沒于苦塊而王母陳孺人育霍山公
霍山公孝似其父恭人育子成名年與張陳兩姑頤頤
湯氏之望開西非直祖德茂也母儀功故不小其先世
慈美許盛太史孫柱史所爲霍山公志表中卜以癸丑
八月某日啓霍山公白泉原之窆以恭人耐而使仲子
制訃不遠三千里屬余志余知死知生夫安得辭銘曰
大泌山房集 卷之九十九 志銘 二十一

爲貴人婦爲貴人母子子孫孫克昌厥後肥甘輕煖以
綏眉壽詩書禮樂以魁羣醜帝再錫命翟展瓊玖人所
願欲和孔有弗祿盛矣何德將之順以成孝嚴以成
慈勤以成泰儉以成施勿循內則耄耄不衰旁及國政
中肯中規維天眷德戩穀罄宜三十七年夫死從子今
歸地下爲夫蓐蟻八十四年于世久矣死而不朽非年
之以岐山之陽渭水之洙丘中有銘永傳圖史

吳母李恭人墓志銘

今父子同一時位九列歷兩京聞望顯著者無如宜興
吳氏矣父納言子光祿海內士慕仰之若景星慶雲而

非李恭人莫能爲納言偶爲光祿母也恭人先世益宋
忠定公綱弟維家梁谿十三世而有虞部郎琨琨子雍
雍子武選郎文麟娶王安人舉仲文是爲恭人秀而龐
三歲始學步而性幽靜事有禮法武選公愛之詩所謂
有齊婉孌此女矣夫無輕字人納言公所生父贈公某
母抗孺人所後父贈公某母屠孺人聞恭人賢請締婚
或謂梁谿相距三百餘里何辜女于遠武選公曰吳郎
器識非凡且世家子即遠何病遂以歸納言公屠孺人
結縭家政恭人佐女紅中饋蚤作晏罷無貴家驕倨態
公口授列女傳彤管遺編諸書輒能通其義數語公人

大泌山房集

卷之九十九

志銘

二十一

子所難孰如後母至爲人後愈難君姑稱未亡人十餘
年以君爲後而稍信眉妾所事姑不如君事母地下人
且有餘憾亦何取于君以爲子公領其言卿所見殊勝
男子自是事姑彌愼雖薄物細故奚適而無稟必得其
歡乃已一日孺人召之曰吾所爲勞汝欲文克家無令
夫內顧也退而省其私若能副吾意若夫可專力學矣
公乃辭入山治其業尋登第屠孺人雅不欲子婦分愛
杭孺人又虞有觴重其迹易嫌其卻易啓恭人承事如
一婉妾以調之周慎以將之積誠以動之兩姑克諧無
異也屠孺人歿于會稽恭人視含斂附身附柳諸物悉

經手成之喪還千餘里朝莫或觸哀端輒哭行人感泣
每展墓號咷欲絕已而王安人卒子不能舉葬恭人任
之梁谿人言生男不如生女信然李公擇婿若知有今
日者公之嚮學也恭人脫簪珥佐費既成進士爲邑令
月奉不入署絕一切知交之請恭人服食不改其素已
爲命婦不能具一翟冠以故納言所在門與心俱如水
入爲侍御史世俗人情艷羨貴盛而恭人默然若固有
之光祿成進士接迹于朝宗老稱賀恭人謹謝之曰吳
氏世德之慶也先姑從一之報也吾何功之有生平與
公無一言之忤而時不忘規警憐子女特甚視婦如

大泌山房集

卷之九十九

志第

二十三

其女視孫甚其母家衆千指終無呵斥聲戚黨女奴來
相存者必授餐與之語詳款人人誦吳夫人慈良也故
以數免乳困劣自哭屠孺人滋甚而公奉使還里光祿
素負大志爲比部郎有感時事上書觸當路諱謫邊邑
尉亟請急歸歸數日恭人卒矣杭孺人哭之慟尋卒始
光祿念母病終鮮兄弟懼以言得罪且不測恭人使使
勗之兒已委質爲臣身非父母有也鞠躬盡瘁無以我
爲念光祿亦以母年未半百必無他虞遂得效其忠謹
而猶及與母奉訣君親兩無負人賢知其母善成子之
忠與孝也卒之前一月室有異香手指作梅檀氣數夢

童子駕竹橋迎渡之前一日晨起盥櫛具承裳晚而微
患寒熱光祿請醫辭不許詰旦遂瞑識者莫不嗟異焉
恭人以納言考最封諸人後十六年

皇太孫覃慶納言方爲太僕應得封命迴贈本生考妣
而光祿起家儀部郎恭人從夫爵受今命光祿既葬恭
人疑其地未吉數見夢門再請過家啓之有水遷邑西
條里石牛岡芝草叢生其中以己酉六月某日藏葬事
其秋光祿子孝廉舉矣孝廉恭人所鍾情人傑地靈事
與時偕殆非偶也恭人生嘉靖壬寅七月望卒萬曆庚
寅五月晦年四十有九丈夫子一人卽光祿名正志已

大泌山房集

卷之九十九

志第

二十四

丑進士除刑部主事謫宜君尉屢遷光祿丞再謫湖州
理官今爲南京比部郎中娶于萬封安人禮部尚書謚
文恭士和女女二長適金壇建寧別駕于玉德次適無
錫光祿監事王國傑孫男三人長洪亮已酉舉人次洪
昌國子生次洪裕曾孫男三人長臺孫次明孫次天鼠
曾孫女四人皆亮出嫁娶皆名族光祿後先狀恭人可
二千言所最慟者以恭人能割愛俾其犯顏極諫聲振
天下而不復奉一日養然世因光祿知有恭人是母足
子金石竹素雖百世不朽矣銘曰相夫爲清卿而民無
得稱妻道也代終無成訓子爲直臣而並受其名子道